

女科證治準繩卷之三

金壇王肯堂輯 門人新安閔承詔校

雜證門下

痰飲

因婦人風痰者由臟腑風冷水飲停積在於胃膈所
成也人皆有痰少者不能為妨多者成患但胃膈有
痰飲停於胸中則令眼昏亦令頭眩頭痛者 藥隱

老人評曰夫痰之為害多因外感五邪五邪者寒暑燥濕風也

內傷七氣七氣者喜怒憂思驚恐悲也因五邪而得者得風為風

痰得寒為寒痰得暑為暑痰因七氣所傷多因婦人

情性執善不能容忍而有此證豈特只因感冷而成哉所以外感五邪內傷七氣則一身之中血液淚汗涕唾身中濕有敗濁變而成痰乘間而為害也經云清則運為精華濁則凝為痰飲此之謂也然有痰涎飲冰四種相類宜子細詳辨調治因風而生痰者宜服三生飲率中星香飲雜病青州白丸子雜病化痰丸雜病因寒冷而得者宜服降氣湯雜病黑錫丹雜病嘔養正丹頭目眩暈因熱而得者宜服金沸草散雜病柴傷暑半夏湯木條因暑而得者宜服香九雜病因氣滯不調鬱結而成者宜服參蘇飲雜病四七湯雜病二陳

湯雜病痰飲

痰在上者以瓜蒂散吐之在下者以控涎丹

痛利之雖曰可吐可下亦要審人之盛衰察脉之虛

實方可投之切記不可猛吐暴下所以初虞世有金

虎碧霞之戒也薛前證若肝經悲怒用小柴胡湯

傷寒少陽肝經風熱用釣藤散頭目眩暈肝腎氣虛用川芎散

眩暈脾經鬱結用濟生歸脾湯雜病健忘鬱怒傷肝脾用加

味逍遙散調經脾虛痰逆用白朮半夏天麻湯雜病眩暈脾

氣虛弱用六君子益氣湯肺氣鬱滯用二陳雜病痰飲貝

母桔梗陰虧水泛用六味地黄丸雜病虛勞腎虛陰火加

減八味丸雜病虛勞腎虛火不歸源八味丸雜病虛勞仍與前

證互相用之 一婦人內熱口乾勞則頭暈吐痰帶
下或用化痰理氣藥前證益盛肢體或麻又用祛風
化痰藥肢體常麻手足或冷或熱此脾土不能生肺
金也余用補中益氣湯加茯苓半夏炮薑二十餘劑
漸愈又用加味道遙散三十餘劑全愈後因怒吐痰
胸痞或用清氣化痰丸食少痰甚胸膈脹滿脉或浮
大或微細余以六君倍用參朮少加木香而康 一
婦人咳嗽脇痛或用清肺化痰降火等劑久不愈更
加內熱晡熱若兩脇或小腹內熱甚咳益甚小便自
遺余曰此屬肝經血虛火動用六味丸加五味子滋

腎水以生肝血用補中益氣生脾土以滋肺金而尋愈

旋覆花湯 治婦人風痰嘔逆不下飲食頭目昏悶

旋覆花

枇杷葉去毛炙

川芎

細辛去苗

藿香

桂心

枳殼去穢炒 前胡去蘆

人參去蘆

半夏薑製各半兩

甘草炙

羚羊角屑

赤茯苓各半兩 羌活去蘆半兩

右咬咀每服五錢水一盞半生薑五片煎至一大

盞去滓溫服食遠日進二服

天南星丸

治婦人風痰心膈壅滯

天南星

薑製

白附子

炮

皂角仁

炒黃

半夏麴

各一兩

白礬

枯五升

右爲細末酒煮麴糊丸如梧子大每服貳拾丸煎生薑薄荷湯送下食後臨卧日進二服

大半夏湯

治痰飲脾胃不和咳嗽嘔吐飲食不入

半夏

白茯苓

生薑

各二升

右薑水煎服胃痞加陳皮

四七湯亦善

導痰湯

治痰涎壅盛胸膈痞塞或咳嗽惡心飲食

少思

半夏二錢

南星

枳實麸炒

茯苓

橘紅一錢

甘草五分

右用薑拾片水煎服

瓜蒂散 療病痰胸膈痞塞頭不痛項不強寸脉微

浮胸中痞鞭氣衝喉咽不得息者此爲胸中有痰

也當吐之宜此法

方見

柴胡半夏湯 治痰熱頭痛利膈除煩悶手足煩熱

柴衛不調肢節拘倦身體疼痛嗜卧少力飲食無

味兼治五嗽痰癖

柴胡八分

半夏二兩半

人參去蘆

痰飲

少利三

四

甘草

黃芩

麥門冬

各二兩

白木二兩

右咬咀每服伍錢水壹盞半薑伍片棗壹枚煎至捌分去滓服

咳嗽

天婦人咳嗽者由肌體虛外受於寒熱風濕所得也肺爲四臟之華蓋內統諸臟之氣外合於皮毛若爲寒熱風濕所傷邪氣自皮毛而入於肺中外皆傷故令咳也大抵治咳不可一槩治當以脉息辨之其脉浮而弦者起於風濡而弱者起於濕洪而數者起於熱遲而澁者起於寒風者散之濕者燥之熱者涼之寒者溫之虛者補之未有不妥者也

薛丹溪云春

是木氣上升夏是火氣炎上秋是濕熱傷肺冬是風寒外來當發散行痰開腠理用二陳湯加麻黃桔梗

杏仁痰飲隨證加藥勞嗽宜四物加竹瀝薑汁乾咳
嗽難治此證乃痰鬱火邪也用苦梗開之夏用補陰
降火不已則成勞上半日多嗽者胃火也用貝母石
膏午後嗽者陰虛也用四物加炒黑黃蘗知母黃昏
嗽者火氣浮於肺也用五味子五倍子五更嗽者飲
食之火流於肺也以貝母軟石膏肺脹而嗽或左或
右不得眠此痰挾瘀血氣滯而病宜養血疎肝清痰
用四物加桃仁訶子青皮竹瀝之類嗽而脇下痛宜
疎肝氣以青皮挾痰實者白芥子之類血礙氣作嗽
者桃仁大黃薑汁丸服治嗽多用生薑以其辛散故

也痰因火動逆上作嗽者先治火次治痰以知母止

嗽清肺滋陰降火夜嗽用清陰分之劑若嗽多用粟

殼不必疑但要病根此乃收後藥也竊謂前證午

前嗽屬胃火盛用竹葉石膏湯傷寒瘥後病胃氣虛用補

中益氣雜病傷勞倦加炒山梔午後嗽屬陰血虛用四物

黃檗知母貳味酒拌炒黑腎水虛用六味地黃丸雜病虛勞黃昏

嗽用四物五味麥門并前九五更嗽用六君子雜病虛勞

不得眠及兩脇下痛用六味地黃補中益氣若因氣

虛腠理不密六淫所浸當祛外邪而實脾土若因心

火太過當伐肝木而滋肺金若肺金氣虛當補脾土

而生肺氣若因腎水虧損虛火炎上當補肺腎以滋
化源大抵風邪胃火此實熱為患易治惟肺腎虧損
此真臟為患最難調治 一婦人素勤苦冬初咳嗽

發熱吐血盜汗通身作痛或寒熱往來用化痰降火

之藥口噤筋攣此血本虛而藥復損之耳余用八味

丸雜病虛勞為主佐以補中益氣麥門五味山藥年餘而

愈 一婦人咳嗽發熱嘔吐痰涎日夜約五六碗喘

咳胸痞燥渴不食崩血如涌此脾土虛寒用八味丸

及附子理中湯雜病中寒而愈 一婦人不得於姑患嗽

胸膈不利飲食無味此脾肺俱傷痰鬱於中也先用

歸脾湯

雜病健忘

加山梔撫芎貝母桔梗諸證漸愈後以

六君加芎歸桔梗間服全愈

一婦人咳嗽早間吐

痰甚多夜間喘急不寐余謂早間多痰乃脾虛飲食

所化夜間喘急乃肺虛陰火上衝用補中益氣加麥

門五味而愈

一婦人患咳嗽脇痛發熱日晡益甚

余曰此肝脾虛熱而傷肺也用加味道遙散

經調

加熟

地黃治之而愈後因怒氣勞役前證仍作兼太陽痛

或寒熱往來或咳嗽遺尿此肺氣虛而尿脬失制也

仍用前散及地黃丸而瘥

一婦人久咳嗽而色痿

黃或時皓白肢體倦怠飲食少思稍多則瀉此脾土

虛而不能生肺金朝用補中益氣湯多用六君子湯
為主間佐以八珍湯雜病虛勞三月餘漸愈後感寒邪喘
嗽胸腹作脹飲食不入四肢逆冷此中氣尚虛不能
充皮毛肥腠理司開闔之所致也遂用六君加生薑
桔梗而愈

初虞世曰經曰微寒為嗽寒甚為腸癖古人立方治
嗽未有不本於溫藥如乾薑桂心細辛之屬以寒氣
入裏非辛甘不能發散以此準之末方不因寒而嗽
也又曰熱在上焦因欬為肺痿又實則為肺癰虛則
為肺痿此人其始或血不足或酒色滋味太過或因

服利藥重亡津液燥氣內焚肺金受邪脉數發熱咳嗽膿血病至於此亦已危矣古人立方亦用溫藥如建中之屬今人但見寒熱咳嗽率用柴胡鼈甲門冬葶藶等藥旋踵受弊而不知非可為深戒就使不可進以溫藥亦須妙以湯丸委曲調治無為鹵莽致傷人命

薛丹溪云陰分軟者多屬陰虛肺脹不得眠

者難治肺痿專主補氣養血清金肺氣有餘者宜瀉之以桑白皮為主半夏茯苓佐之瀉其有餘補其不足肺燥者當潤之屬熱者大力子桔梗知母雞子清聲啞者屬寒也細辛半夏生薑肺虛者人參阿膠為

主陰不足者六味地黃為要藥或知母茯苓湯

陰虛氣喘四物加陳皮甘草以降其氣補其陰竊謂

前證嗽而鼻塞聲重風邪傷肺也用參蘇飲雄病發熱而

赤喘嗽火尅肺也人參平肺散雜病喘寒熱交作肝氣

不和也四君加知母柴胡桔梗咳喘短氣肺虛也人

參補肺湯喘滿體倦少食脾虛也參朮補脾湯本條口乾

咽燥虛火上炎也六味丸大凡發熱喘嗽或咳唾膿

血飲食不入急補脾肺滋腎水多有得生者脉浮太

而而色赤者皆難治脉浮短濇者可療

經曰感於寒微則為咳甚則為泄蓋肺主氣合於皮